


通

典

一



據北京大學圖書館藏宋刻
宋元遞修本影印原書版框
高二十二·八釐米寬十六·
六釐米

通典序

左補闕李

翰

撰

儒家者流博而寡要勞而少功何哉其患在於習之不精知之不博而
 不得其門行而不由其道何以徵之夫五經羣史之書大不過本天地設
 君臣明十倫五教之義陳政刑賞罰之柄述禮樂制度之統究治亂興亡
 之由立邦之道盡於此矣非此典者謂之無益世教則聖人不書學者不
 覽懼人冗煩而無所從也先師宣尼祖述堯舜憲章文武七十子之徒宣
 明大義三代之道百代可心而諸子云云猥復制作由其門則其教已備反
 其道則其人可誅而學者以多閱為廣見以異端為博聞是非紛然塞
 甯滿腹傾洞茫昧而無條貫或舉其中不知其本原其始不要其終高談
 有餘待問則泥雖驅馳百家日誦萬字學彌廣而志彌惑聞愈多而識愈
 疑此所以勤苦而難成殆非君子進德修業之意也今通典之作昭昭乎其
 警言學者之羣迷歟以為君子致用在乎經邦經邦在乎立事立事在乎師
 古師古在乎隨時必參今古之宜窮始終之要始可以度其古終可以行於
 今問而辨之端如貫珠舉而行之審如中鵠夫然故施于文學可為通儒施
 于政事可建皇極故採五經羣史上自黃帝至于我唐天寶之末每事以類
 相從舉其始終歷代沿革廢置及當時羣士論議得失靡不條載附之于
 事如人支脉散綴於體凡有八門勒成二百卷號曰通典非聖之書羣聖人
 微言不取焉惡煩雜也事非經國禮法程制亦所不錄棄無益也若使學
 者得而觀之不出戶知天下未從政達人情罕更事知時變為功易而速
 為學精而要其道甚直而不徑其文甚詳而不煩推而通放而准語備
 而理盡例明而事中舉而措之如指諸掌不假從師聚學而區以別矣
 非聰明獨見之士孰能修之淮南元戎之佐曰尚書主客郎京兆杜公君
 卿雅有遠度志於邦典篤學好古生而知之以大曆之始實纂斯典累
 年而成杜公亦自為序引各冠篇首或前史有關申高見發明以示勸戒用
 存景行近代學士多有撰集其最著者有御覽藝文玉燭之類網羅古今博
 則博矣然率多文章之事記問之學至於刊列百度緝熙主猷至精至純
 其道不雜比於通典非其倫也於戲今之人賤近而貴遠昧微而嗜著得之
 者甚鮮知之者甚稀可為長歎息也翰嘗有斯志約乎舊史圖之不早竟為
 善述者所先故頗詳自趣而為之序庶將來君子知吾道之不誣



京兆杜

佑 字君卿纂



佐少嘗讀書而性且蒙固不達術數之藝不好章句之學所纂通典實採
 羣言勸諸人事將施有政夫理道之先在平行教化教化之本在乎足衣
 食易稱聚人曰財洪範八政曰食二曰食二曰食二曰食二曰食二曰食二
 足知榮辱夫子曰既富而教斯之謂矣夫行教化在乎設職官設職官
 在乎審官才審官才在乎精選舉制禮以端其俗立樂以和其心此先
 哲王致治之大方也故職官設然後興禮樂焉教化隳然後用刑罰
 焉列州郡俾分領焉置邊防遏戎敵焉是以食貨為之首卷十二選舉次之
 職官又次之卷十三禮又次之樂又次之卷十四刑又次之
 卷邊防末之卷十五或覽之者庶知篇第之旨也本初纂錄止於天寶之末其有
 更須議論者亦便及以後之事

食貨一 田制上 二 田制下 水利田 三 鄉黨 土斷
 四 賦稅上 五 賦稅中 六 賦稅下
 七 歷代盛衰并戶口中 八 錢幣上 九 錢幣下
 十 鹽鐵 漕運 十一 齊爵 推酷 弄婚 雜稅 平準 均輸 十二 輕重

田制上

穀者人之司命也地者穀之所生也人者君之所治也有其穀則國用
 備辨其地則人食足察其人則徭役均知此三者謂之治政夫地載而不
 棄也一著而不遷也安固而不動則莫不生殖聖人因之設井邑列比
 閭使察黎民之數賦役之制昭然可見也自秦孝公用商鞅計乃隳
 經界立阡陌雖獲一時之利而兼并踰替興矣降秦以後阡陌既弊又
 為隱覈隱覈在乎權宜權宜憑乎簿書簿書既廣必藉眾功籍眾功則
 政由群吏政由群吏則人無所信矣夫行不信之法安政於眾多之胥欲
 紀事之眾寡明地利之多少雖由商督刑撓首撓筭不可得而詳矣
 不變斯道而求理者未之有也夫春秋之義諸侯不得專封大夫不得
 專地若使豪人占田過制富等公侯是專封也賣田具由已是專地也
 欲無流冗不亦難乎陶唐以前法制簡略不可得而詳也及堯遭洪
 水天下分絕使禹平水土別九州其分別疆理所冀州厥土惟白壤無
 壤厥田惟中中田第五兗州厥土黑墳色黑而厥田惟中下第六青州厥土白
 墳田第五厥土惟上下第七徐州厥土赤墳田第五厥田惟上中第八揚州厥土惟塗
 泥地泉厥田惟下下第九荊州厥土惟塗泥田第五厥田惟下中第八荊河豫州田第五

惟壤下土墳墟周者壤下者厥田惟中上第梁州厥土青黎色青黑沃壤也厥

田惟下上第雍州厥土惟黃壤厥田惟上上第九州之地定墾者九百

一十萬八千二十頃虞夏殷三代凡千餘載其間定墾書冊不存無以

詳焉。周文王在岐今扶風用平土之法以為治人之道地著為本

地者謂安土故建司馬法六尺為步步百為畝畝百為夫夫三為屋屋三為

井井十為通通十為成成十為終終十為同同方百里同十為封封

十為畿畿方千里故丘有戎馬一疋牛三頭甸有戎馬四疋兵車一乘

牛十二頭甲上三人步卒七十二人一同百里提封萬井戎馬四百疋車

百乘此卿大夫采地之大者是謂百乘之家一封三百六十六里提封

十萬井定出賦六萬四千井戎馬四千疋車千乘此諸侯之大者謂

之千乘之國天子之畿內方千里提封百萬井定出賦六十四萬井戎

馬四萬疋兵車萬乘戎卒七十二萬人故曰萬乘之主小司徒之職乃

均土地以稽其人民而周知其數上地家七人可任也者家三人中地

家六人可任也者二家五人下地家五人可任也者家二人鄭玄曰均平也周

七人上則授之以上地所養者眾也男女五人以下則授之以下地所養者寡也正以七人

六人五人為率者有夫有婦然後為家自二人以至十為九等七六五者為其中可任謂丁強

在力役之事者出老者一人乃經土地而井牧其田野九夫為井四井為邑四

邑為丘四丘為甸四甸為縣四縣為都以任地事而令貢賦凡稅斂之

事此謂造都制井田異於鄉遂重立國小司徒為經之立其五溝五塗之界

其制似井之字以取名焉謂隱阜之地九夫為井二井為一里今造都隨授民田有

不易有一易有再易通率二而當一是一里之井也昔夏少康在唐思有田一成有衆一旅

一旅之衆而田一成則井牧之法先古然矣九夫為井者方一里九夫所治之田也四井為邑方

二里四邑為丘方四里四丘為甸方八里旁加一里則方十里為一成積百井九百夫其

中六十四井五百七十六夫出田稅三十六井二百二十四夫治田四甸為縣方二十里四縣為都方

六千八百六十四夫出田稅二千三百四井二萬七千三百三十六夫治田三千六百井三萬二千四百夫治

會井田之法備於一同今止於都者采地食者皆自四之一其制三等百里之國凡四甸一甸之田稅入於王地事

田稅入於王五十里之國凡四縣一縣之田稅入於王二十五里之國凡四甸一甸之田稅入於王地事

謂農牧養虞也貢謂九穀山澤之材也賦謂出車徒給徭役也任土之法以物地事授地職而待其政令

者任其力勢所能生育且以制貢賦也物物色之以知其所宜之事而授農牧養虞使職之以廛里任國中之地以場圃任園

地以宅田以田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之

田任疆地謂臺里者若今云邑居里矣廛民居之區域也里居也圃樹果菰之屬季秋於中為場樊圃為之園宅田者對仕之家所受之田也土相見禮曰宅者在邦則曰

邦井之臣在野則曰草茅之臣士讀噴為仕仕者亦受田所謂圭田也孟子曰自卿以下必有圭

田圭田五十畝而員田在市賈人其家所受田也官田庶人在官者其家所受田也牛田牧田高

者之家所愛田也賞田者賞田也公邑謂六遂餘地天子使大夫成之自此以外皆自然家邑

夫之采邑也都鄙之采地也都公之采地王子弟所食邑也百里王畿界也百里言任者地之形

實不方如國受田者遠近不得盡民受田上田六百畝中田夫二百畝下田夫三

如制其所生有職貢取正於是耳

百畝歲耕種者為不易上田休一歲者為一易中田休二歲者為再易下田二歲更耕之自爰其處爰於也更謂三歲即改與列家佃以均厚薄農民戶人已受田其家衆男為餘夫亦以口受田如比比例也必麻反士工商家受田五口乃當農夫一口二

此謂平土可以為法者也若山林藪澤原陵淳鹵之地淳盡也澤鹵之田不生穀各以肥磽多少為差磽確謂瘠薄之田民年二十受田六十歸田七十以上上所養也

子歲以下上所長也十二以上上所強也勉強勸之令習事孟子曰夫仁政必自經界始經界不正井墜不均穀祿不平是故暴君汚吏必慢其經界經界既正分田制祿可坐而定也秦孝公任商鞅鞅以三晉地狹人

貧魏三韓魏今河東道之地秦地廣人寡故草不盡墾地利不盡出於是誘三晉之人利其田宅復三代無知兵事而務本於內而使秦人應敵於外故廢井田制阡陌任其所耕不限多少若公十二年之制數年之間國富兵強天下無敵

○漢孝文時民近戰國皆多背本趨末賈誼說上曰古之治天下至熾至悉故其畜積足恃今背本而趨末游食者甚衆是天下之大殘也本農桑也末工商也言人已棄農而務工商矣其食米粟者又甚衆也殘謂傷害口漢之為漢幾四十年矣近也公私之積猶可哀痛言年歲已多而無諸積即不幸有方二千里之旱國胡以

相恤卒然邊境有急數十萬之衆國胡以餽之兵旱相乘天下大屈今歐人而歸之農皆著於本使天下各食其力未伎游食之民轉而緣南亩言皆趨農作則畜積足而人樂其所矣帝感誼言始開籍田躬耕以勸百姓詔曰夫度田非益寡而計民未加益度謂量計以口量地其於古猶有餘而食之甚不足者其咎安在無乃百姓之從事於末以害農者

蕃蕃多也為酒醪以靡穀者多靡散也靡讀曰糜六畜之食焉者衆與細大之義吾未能得其中反竹仲其與丞相列侯吏二千石博士議之有可以佐百姓者率意遠思無有所隱也晁錯復說曰聖王在上而民不凍飢者非能耕而食之織而衣之食謂日嗣為開其資財之道也故堯禹有九年

之水湯有七年之旱而國三指瘠者指謂人飢相奔指也瘠瘦病也言無相奔指而瘦病者以畜積多而備先具也今海內為一土地人民之衆不避湯禹加以二天災數

年之水旱而畜積未及者何也地有遺利民有餘力生穀之士未盡墾山澤之利未盡出也游食之民未盡歸農也民貧則姦邪生貧生

於不足不足生於不農不農則不地著不地著則離鄉輕家民如鳥獸雖有高城深地嚴法重刑猶不能禁也夫寒之於衣不待輕煖

獸雖有高城深地嚴法重刑猶不能禁也夫寒之於衣不待輕煖

獸雖有高城深地嚴法重刑猶不能禁也夫寒之於衣不待輕煖

獸雖有高城深地嚴法重刑猶不能禁也夫寒之於衣不待輕煖

獸雖有高城深地嚴法重刑猶不能禁也夫寒之於衣不待輕煖

共

風霜不
求廉
不得衣雖慈父不能保其子君安能以有其民哉明主知其然也故務

民於農桑薄賦斂廣畜積以實倉廩備水旱故民可得而有也是

故明君貴五穀而賤金玉今農夫五口之家其服役者不下二人

其能耕者不過百畝百畝之收不過百石春耕夏耕秋種冬藏伐薪

治官府給徭役春不得避風塵夏不得避暑熱秋不得避陰雨冬不

得避寒凍四時之間一日休息又私自送往迎來弔死問疾養孤長

幼在其中勤苦如此尚復被水旱之災急政暴賦賦斂不時朝令而暮

改當具有者半價而賣本直千金者價得五百亡者取倍稱之息取一償二為倍也今俗所謂

於是其有賣田宅鬻子孫以償責者矣方今之務莫若使民務農而已

矣欲民務農在於貴粟貴粟之道在於使民以粟為賞罰帝從之其

後務敦農本食廩充實孝景元年制曰間者歲比不登民多之食

夫絕天年朕甚痛之郡國或磽陁無所農桑蠶畜或地饒廣茂

草澤日茂水泉利而不得從其議民欲徒寬大地者聽之後元三年

詔曰農天下之本也黃金珠玉飢不可食寒不可衣以為幣用不識其終

始間歲或不登意為末者聚農民寡也其令郡國務勸農桑益種

可得衣食物孝武外事四夷內興功利役費並興而民去本董仲舒

說上曰春秋它穀不書至於麥禾不成則書之以此見聖人於五穀最

重麥與禾也今關中俗不好種麥是歲失春秋之所重而損生民之

具也願陛下幸詔大司農使關中民益種宿麥令毋後時仲舒

又說上曰秦用商鞅之法改帝王之制除井田民得賣買富者田連阡

陌貧者立錐之地漢興循而未改古井田法雖難卒行宜少近古

限民名田以贍不足名田立田也各為立限不使富者過制則貧窮之家可足也塞并兼之路然後可善治

也竟不能用元狩三年遣謁者勸種宿麥舉吏人能假貸貧人者以名

聞及末年帝悔征伐之事乃封丞相田千秋為富民侯下詔曰方今之

務在於力農以趙過為搜粟都尉過能為代田一畝三畦廣尺深尺曰

代處故曰代田代易也古法也后稷始畝田以二耜為耦耦兩耜也廣尺深尺曰

畦長終畝一畝三畦一夫三百畦而播種於畦中播布也種苗生葉以上稍耕

隴草隴鉏因墮其土以附苗根墮音下故其詩曰或芸或耔黍稷優優

小雅甫田之詩隴成穎華音子芸除草也耔附根也音苗稍壯每耨一附根比成暑隴

隴成穎華音子芸除草也耔附根也音苗稍壯每耨一附根比成暑隴

小雅甫田之詩隴成穎華音子芸除草也耔附根也音苗稍壯每耨一附根比成暑隴

秋

勸農

奴婢賣減賦

盡而根深能風與旱能讀故擬擬而盛也其耕耘下種田器皆有便巧

率十二夫為田一井一屋故畝五頃九夫為井三夫為屋夫百畝於古為十三頃古曰

之善為者又過過使教田太常三輔太常主諸陵有民故亦謂田種大農置工巧奴與從事

為作田器二千石遺令長三老力田及里父老善田者受田器學耕種

養苗狀意法民或苦少牛無以趨澤趨讀曰越及也故平都令光教過以

人輓音輓犁輓引也過奏光以為丞教民相與庸輓犁庸功也言換功共率

多人者田曰三十畷少者十三畷以故田多墾闢過試以離官卒田其官

墾而緣地諸緣河墾地官別處之官非天子所當居也墾餘也官墾地謂外垣之內內垣之外也

得穀比多其旁田畷一斛以上令命家田三輔公田今使也命者教也又教

邊郡及居延城居延張掖縣也是後邊城河東弘農三輔太常民皆便代

田用力少而得穀多至孝昭時流民稍還田野墾闢頗有畜積孝宣

地節三年詔曰郡國官館勿復修治流民還歸者假公田貸種食

孝元初元元年以三輔太常郡國公田及苑可省者振業貧民江海波

湖國他屬少府者以假貧民勿租賦建昭五年詔曰方春農桑與百姓

勸力自盡之時也故是月勞農勸桑無使後時今不良之吏覆按小罪

徵召證按典不急之事以妨百姓使失一時之作亡終歲之功公卿其

明察申勅之孝成帝之時張禹占鄭白之渠四百餘頃他人兼井者類

此而人彌困陽朔四年正月詔曰夫洪範八政以食為首斯誠家給刑錯

之本也先帝勸農薄其租稅寵其強力令與孝弟同科間者民彌惰

怠鄉平者少趨末者眾將何以矯之方東作時其令二千石勉勸農

桑出入阡陌致勞來之書不云乎服田力耜乃亦有秋其曷之哉孝哀

即位師丹輔政建言古之聖主莫不設井田然後治迺可平孝文皇

帝承亡周亂秦兵革之後天下空虚故務勸農桑師以節儉民始充

實未有并兼之害故不為民田及奴婢為限今累世承平豪富吏民

訾數鉅萬而貧弱逾困蓋君子為政貴因循而重改作所以有改者

將以救急也亦未可詳宜略為限天子下其議丞相孔光大司空何

武奏請諸侯王列侯皆得名田國中列侯在長安公主名田縣道及

關內侯吏民名田皆毋過三十頃諸侯王奴婢二百人列侯公主百人

關內侯吏民三十人期盡三年犯者沒入官時田宅奴婢買為減賦

漢民戶墾田數

王莽復井田

區博

漢漢經田民戶

井田不宜於人衆之時

欲復井田在初建國

傳用事董重其墾貴皆不便也詔書且須後也遂寢不行孝平元始

元年置大司農郎丞十三人人部一州勸農桑二年定墾田八百二十七

萬五百三十頃蓋紀漢盛時之數據元始二年戶千二百二十三萬三千王莽

篡位下令曰古者諺井田則國給人富而頌聲作此唐虞之道三代所

遵行也秦為無道壞聖制廢井田是以兼并起貪鄙生強者規田以

千數弱者曾無立錫之居於是更名天下田曰王田奴婢曰私屬皆不

得賣買其男口不盈八而出過一井者分餘田與九族鄰里鄉黨故無

田今當受田者如制度敢有非井田聖制無法惑眾者投諸四裔於

是農商失業食貨俱廢百姓涕泣於市道遂賣買田宅奴婢自諸侯

卿大夫至于庶人抵罪者不可勝數經二年餘中郎區博諫曰井田雖

聖王法其廢已久周道既衰而人不從秦順人心改之可以獲大利故

滅廬井而置阡陌遂王諸夏訖今海內未厭其弊今欲違人心追復

千載絕迹雖堯舜復生而無百年之漸不能行也莽知人愁乃以許賣

其後百姓日以凋弊。後漢之初百姓虛耗率土遺黎十纒一二光

武十五年詔下州郡檢覆墾田頃畝及戶口年紀河南尹張儉及諸

郡守十餘人坐度田不實下獄死順帝建康元年定墾田六百八十

九萬六千二百七十頃五十六畝九十四步據建康元年戶九百九十四萬二千

荀悅論曰昔文帝十三年六月詔除人田租且古者十一而稅以為天下

之中正今漢人田或百一而稅可謂鮮矣然豪富強人占田踰多其賦

太半官收百一之稅而人輸豪強太半之賦官家之惠優於三代豪強

之暴酷於亡秦是以惠不下通而威福於豪人也今不正其本而務除

租稅適足以資富強也孝武皇帝時董仲舒嘗言宜限人占田至哀

帝時乃限人占田不得過三十頃雖有其制卒難施行然三十頃又不

平矣且夫井田之制不宜於人衆之時田廣人寡苟為可也然欲廢之

於寡立之於衆土地布列在寡強卒而革之並有怨心則生紛亂制

度難行由是觀之若高祖初定天下光武中興之後人衆稀少立之易

矣既未悉備井田之法宜以口數占田為之立限人得耕種不得賣買

以贍貧弱以防兼并且為制度張本不亦宜乎雖古今異制損益隨

時然紀綱大略其致一也崔寔政論曰昔聖人分口耕耦地各相副適

使人飢飽不變勞逸齊均富者不足僭羨貧者無所企慕始暴秦墾

千金之子不死於市

壞法度制人之財既無網紀而乃尊獎并兼之人烏氏以牧豎致財寵比

諸侯寡婦清以攻丹殖業禮以國賓於是巧猾之萌遂肆其意上家

累巨億之貲斥地伴封君之士行苞苴以亂執政養劍客以威黔首專

殺不幸號無市死之子生死之奉多擬人主故下戶踣躡無所跼足乃

父子低首奴事富人躬帥妻孥為之服役故富者席餘而日熾貧者躡

短而歲蹶歷代為虜猶不贖於衣食生有終身之勤死有暴骨之憂歲

小不登流離溝壑嫁妻賣子其所以傷心府肉藏失生人之樂者蓋不可

勝陳故古有移人通財以贍蒸黎今青徐兗冀後漢青州今北海濟南

郡地徐州今東海琅邪彭城臨淮廣陵等郡地兗州今陳留靈昌濮陽東平濟

陽濟陰魯魯等郡地冀州今魏郡鄴郡鉅鹿清河常山趙郡博陵信都景城等郡

土狹不足相供而三輔左右及涼幽州內附近郡

之北東至燕比皆土曠人稀厥田宜稼悉不墾發小人之情安土重遷寧就

東並其地 飢餒無適樂土之慮故人之為言暝也謂暝暝無所知猶羣羊聚畜

須主者牧養處置置之茂草則肥澤繁息置之磽鹵則零丁耗滅是以

景帝六年下詔郡國令人得去磽狹就寬肥至武帝遂徙關東貧人

於隴西北地西河上郡會稽隴西今隴西天水金城會寧等郡地

昌化等郡地上郡延安咸寧洛交中郿等郡地 凡七十二萬五千口後加徙猾吏

於關內今宜復遵故事徙貧人不能自業者於寬地此亦開草闢土

振人之術也仲長統昌言曰遠州之縣界至數千而諸夏有十畝共乘

之迫遠州有曠野不發之田代俗安土有死無去君長不使誰能自往

緣邊之地亦可因罪徙人便以守禦。晉武帝泰始八年司徒百苞

奏州郡農桑未有殿最之制宜增掾屬令史有所巡幸帝從之苞既

明勸課百姓安之平吳之後有司奏王公以國為家京城不宜復有田

宅未暇作邸當使城中有往來之處近郊有芻藁之田今可限之國

王公侯京城得有宅一處近郊田大國十五頃次國十頃小國七頃城

內無宅城外有者皆聽留之男子一人占田七十畝女子三十畝其丁男

課田五十畝丁女二十畝次丁男半之女則不課其官第一品五十頃每

品減五頃以為差第九品十頃而又各以品之高卑蔭其親屬多者及

九族少者三代宗室國賓先賢之後士人子孫亦如之而又得蔭人為

衣食客及佃客量其官品以為差降自西晉則有蔭客之制至東宋孝

因罪徙人

衣食客

武帝大明初羊祜為尚書左丞時揚州刺史西陽王子尚上言山湖之

禁雖有舊科人俗相因替而不奉煇山封水保為家利自頃以來類

弛日甚富強者兼領而占貧弱者薪蘇無託至漁採之地亦又如茲

斯寔害理之深弊請損益舊條更申制有司檢壬辰詔書擅占山

澤強盜律論賊一丈以上皆弃市希以壬辰之制其禁嚴刻事既難

道理與時施而占山封水漸深復滋更相因仍便成先業一朝頓去易

致怨嗟今更刊革立制五條凡是山澤先恒煇煇力居種竹木薪果為

林仍及陂湖江海魚梁鱸魚七由反即移反恒加修作者聽不追舊官品第一

第二品聽占山三頃第三第四品二頃五十畝第五第六品二頃第十第

八品一頃五十畝第九品及百姓一頃皆依定格條上背簿若先已占山不

得更占先占足若非前條舊業不得林亦有犯者水土一尺以上並計賦

依常盜論除晉咸康二年壬辰之科從之時山陰縣人多田少孔靈符

表請徙無貲之家於餘姚鄞莫侯反鄞音銀二縣墾起湖田餘姚今會稽郡地

帝令公卿博議咸曰夫訓農修政有國所同土著之人習翫日久如京師

無田不聞徙居他縣尋山陰豪族富室頃畝不少貧者肆力非為無處

又緣湖居人魚鴨為業小人習始既難勸之未易速廢之疇方剪荆棘

率課窮乏其事彌難資徙粗立徐行無晚立不違眾議徙人並成良業

○後魏明帝永興中頻有水旱神瑞二年又不孰於是分簡尤貧者就食

山東勅有司勸課田農曰前志有之人生在勤勤則不匱凡庶人不畜者祭

無牲不耕者祭無盛不樹者死無椁不蠶者長無帛不績者喪無緩教

行三農生殖九穀自是人皆力勤歲數豐稔畜牧滋息太武帝初為太

子監國曾令有司課畿內之人使無牛家以人牛力相質墾殖鋤耨其有

牛家與無牛家一人種田二十畝償以耘鋤功一畝如是為差至與老小無牛

家種田七畝老小者償以鋤功二畝皆以五口貧家為率各列家別口數

所種頃畝明立簿目所種者於地首標題姓名以辨播殖之功孝文太和

元年二月詔曰去年牛疫死大半今東作既興人須肆業有牛者加勤於

常歲無牛者倍傭於餘年一夫制理四十中男二十畝無令人有餘力地

有遺利時李安世上疏曰臣聞量人畫野經國大式邑地相參致理之本

井稅之與其來日久田萊之數制之以限欲使土不曠功人罔遊力雄擅

之家不獨膏腴之美單陋之夫亦有頃畝之分竊見州郡之人或因年儉

疎移弃賣田宅漂居異鄉事涉數代三長既立始返舊墟廬井荒涼

桑榆改植事已歷遠易生假冒疆宗豪族肆其侵凌遠認魏晉之家近引親舊之驗年載稍久鄉老所惑羣證雖多莫可取據各附親知互有長短兩證徒具聽者猶疑爭訟遷延連紀不判良疇委而不開禾桑枯而不採欲令家豐歲儲人給資用其可得乎愚謂今雖桑井難復宜更均量審其徑術令分藝有準力業相稱細人獲資生之利豪右靡餘地之盈無私之澤乃播均於兆庶如阜如山可有積於比戶矣又所爭之田宜限年斷事久難明悉屬今主然後虛詐之人絕於覬覦守分之士免於凌奪帝深納之均田之制起於此矣九年下詔均給天下人田諸男夫十五以上受露田四十畝不栽樹者謂之露田婦人二十畝奴婢依良丁牛一頭受田三十畝限四牛所授之田率倍之三月勿之田再倍之以供耕休及還受之盈縮年及課則受田老免及身沒則還田奴婢牛隨有無以還受諸桑田不在還受之限但通入倍田分於分雖盈不得以充露田之數不足者以露田充倍諸初受田者男夫一人給田二十畝課時餘種桑五十樹棗五株榆三根非桑之士夫給一畝依法課時餘果及多種桑榆者不禁諸應還之田不得種桑榆棗果種者以違今論地入還分諸桑田皆為代業身終不還怕從見口有盈者無受無還不足者受種如法

盈者得賣其盈不足者得買所不足不得賣其分亦不得買過所足諸麻布之士男夫及課別給麻田十畝婦人五畝奴婢依良皆從還受之法諸有卑戶老小殘疾無受田者年十一已上及疾者各授以半夫田年踰七十者不還所受寡婦守志者雖免課亦授婦田諸還受人田恒以正月若始受田而身亡及賣買奴婢牛者皆至明年正月乃得還受諸土廣人稀之處隨力所及官借人種時後有來居者依法封授諸地狹之處有進丁受田而不樂遷者則以其家桑田為正田分又不足不給倍田又不足家內人別減分無桑之鄉準此為法樂遷者聽逐空荒不限異州他郡唯不聽避勞就逸其地足之處不得無故而移諸人有新居者三口給地一畝以為居室奴婢五口給一畝男女十五以上因其地分口課種菜五分畝之一諸一人之分正從正倍從倍不得隔越他畔進丁受田者恒從所近若同時俱受先貧後富再倍之田放此為法諸遠流配謫無子孫及戶絕者墟宅桑榆盡為公田以供授受授受之次給其所親未給之間亦借其所親諸宰人之官及隨給公田刺史十五頃太守十頃治中別駕各八頃縣令六頃丞六頃更代相賣者坐如律職分田起於此

通典卷之六

田制下

田制下

水利田

屯田

樂遷

永業田

齊氏授受無法

北齊給授田令仍依魏朝每年十月普令轉授成丁而授丁老而退不聽賣易文宣帝天保八年議徒異定職無田之人謂之樂遷於地無田鄉以處之秦漢則大魏晉代又遠改務分析或末易知以此武成帝鄉要有解釋近代制置今多因首則不假繁叙他皆類此

三年詔每歲春月各依鄉土早晚課人農桑自春及秋男子十五以上皆營蠶桑之業冬布田畝桑蠶之月婦女十五以上皆營蠶桑孟冬刺史聽審教之優劣定殿最之科品人有人力無牛或有牛無人力者須令相便皆得納種使地無遺利人無遊手又令男子率以十八受田輸租調二十充兵六十免力役六十六退田免租調京城四面諸方之外三十里內為公田受公田者三縣代遷戶執事官一品以下建干羽林武賁各有差其外畿郡華人官第一品以下羽林武賁以上各有差職事及百姓請墾田者名為永業田奴婢受田者親王止三百人嗣王二百人第二品嗣王以下及庶姓王百五十人正三品以上及皇宗百七品以上八十人八品以上至庶人六十人奴婢限外不給田者皆不輸其方百里外及州人一夫受露田八十畝婦人四十畝奴婢依良人限數與者在京百官同丁牛一頭受田六十畝限止四牛每丁給永業二十畝為桑田其田中種桑五十根榆三根棗五根不在還受之限非此田者悉入還受之分上不宜桑者給麻田如桑由法關東風俗傳曰其時強弱相凌恃勢侵奪富有連畛巨陌貧無立錫之地昔漢氏募人徙田忠遺墾課令就良美而齊氏全無斟酌雖有當年權格時暫是施行爭地文按有三十年不了者此由授受無法者也其賜田者謂公田及諸橫賜之田魏令職分公田不問貴賤一人一頃以供芻秣自宣武出臘以來始以永賜得聽賣買遷葬之始監職眾多所得公田悉從貨易又天保之代曾選壓首人田以充公簿比武平已後橫賜諸貴奴外戚佞寵之家亦以盡矣又河渚山澤有可耕墾肥饒之處悉是豪勢或借或請細戶之人不得一釐糾賞者依令十分之外知有買匿聽相糾列還以此地賞之至有貧人實非贖長買匿者苟貪錢貨詐吐壯丁口分以與窮人亦既無由即便逃走怯賣者估其田七年熟田五年錢還地還休令

聽許露田雖復不聽賣買賣買亦無重責貧戶因王課未濟率多貧賣田業至春困急輕致藏走亦有嬾惰之人雖存田地不肯肆力在外浮遊三正賣其口田以供租課比來頻有還人之格欲以招慰逃散假使贖還即賣所得之地地盡還走雖有還名終不肯住正由縣聽其賣估園田故也廣占者依令奴婢請田亦與良人相以以無田之良口比有地之奴牛宋世良天保中獻書請以富家牛地先給貧人其時朝列稱其合理宋孝。後周文帝霸政之初創制六官司均掌由里之政令凡人口十以上宅五畝口七以上宅四畝口五以下宅三畝有室者田百四十畝丁者田百畝。○隋文帝令自諸王以下至于都督皆給永業田各有差多者至百頃少者至三十頃其丁男中男永業露田皆遵後齊之制並課樹以桑榆及棗其田宅率三口給一畝京官又給職分田一品者給田五頃至五品則為田三頃其下每品以五十畝為差至九品為一頃外官亦各有職分田又給公廩田以供用開皇九年任墾田十九百四十萬四千二百六十七頃隋書卷一百九十九。開皇十二年文帝以天下戶口歲增京輔及三河地之人民衣食不給議者咸欲從就寬鄉帝乃發使四出均天下之田其狹鄉每丁纔至二十畝老小又少焉至大業中天下墾田五千五百八十五萬四千四十頃按其時有戶八百九十萬七千五百三十六。○大曆開元二十五年令田廣一步長二百四十步為畝百畝為頃自夫不羨以墾田二百四十步為畝。錄不可悉載但取其朝夕要切異易情詳乃臨事不惑。丁男給永業田二十畝口分田八十畝其中男年十八以上亦依丁男給老男篤疾廢疾各給口分田四十畝寡妻妾各給口分田三十畝先永業者通充口分之數黃小中丁男女及老男篤疾廢疾寡妻妾當戶者各給永業田二十畝口分田二十畝應給寬鄉並依所定數若狹鄉新受者減寬鄉口分之半其給口分田者易田則倍給隋書卷一百九十九。其永業田親王百頃職事官正一品六十頃郡王及職事官從一品各五十頃國公若職事官正二品各四十頃郡公若職事官從二品各三十五頃縣公若職事官正三品各二十五頃職事官從三品二十頃侯若職事官正四品各十四頃伯若職事官從四品各十頃子若職事官正五品各八頃男若職事官從五品各五頃上柱國三十頃柱國二十五頃上護軍二十頃護軍十五頃上輕車

都尉十頃輕車都尉七頃一騎都尉六頃騎都尉四頃驍騎尉飛騎尉各八十畝雲騎尉武騎尉各六十畝其散官五品以上同職事給兼有官爵及勳俱應給者唯從多不並給若富家口分之外先有地非狹鄉者並即迴受有贖追收不足者更給諸求業田皆傳子孫不在收授之限即子孫犯除名者所承之地亦不追每畝課種桑草根以上榆棗各十根以上三年種畢鄉土不宜者任以所宜樹充所給五品以上求業田皆不得狹鄉受任於寬鄉隔越射無主荒地充即買陰賜田充者雖狹鄉亦聽其六品以下求業即聽本鄉取還公田充願於寬鄉取者亦聽應賜人田非拍

的處所者不得狹鄉給其應給求業人若官爵之內有解免者從所解者追即解免不盡者隨所降品追其餘名者依口分例給自外及有賜田者並追若富家之內有官爵及少口分應受者並聽迴給有贖追收其因官爵應得求業未請及未足而身亡者子孫不合追請也諸襲爵者

唯得承父祖求業不合別請若父祖未請及未足而身亡者減始受封者之半給其州縣縣界內所有部受田悉足者為寬鄉不足者為狹鄉諸狹鄉田不足者聽於寬鄉遙受應給園宅地者良口二口以下給一畝每三口加一畝賤口五口給一畝每五口加一畝並不入求業口

分之限其京城及州郡縣郭下園宅不在此例諸京官文武職事職分田一品一十二頃二品十頃三品九頃四品七頃五品六頃六品四頃

七品三頃五十畝八品二頃五十畝九品二頃並去京城百里內給其京兆河南府及京縣官人職分田亦准此即百里外給者亦聽諸州及都

護府親王府官人職分田二品一十二頃三品一十頃四品八頃五品七頃六品五頃京畿縣亦准此七品四頃八品三頃九品二頃五品鎮戍關津岳瀆及

在外監官五品五頃六品三頃五十畝七品三頃八品二頃九品一頃五

十畝三衛中郎將上府折衝都尉各六頃中府五頃五十畝下府及郎將

各五頃上府果毅都尉四頃中府三頃五十畝下府三頃上府長史別

將各三頃中府下府各二頃五十畝親王府典軍五頃五十畝副典軍

四頃千牛備身左右太子千牛備身各三頃親王府文武官隨府出藩者於在所處給諸軍上

折衝府兵曹二頃中府下府各一頃五十畝其外軍校尉一頃二十畝旅帥

一頃隊正副各八十畝皆於領側州縣界內給其校尉以下在本縣及去家百里內領者不給諸驛封田皆隨近給每馬一疋給地四十畝

參

驛側有牧田之處，凡各減五畝，其傳送馬，每疋給田二十畝。諸庶人有身死家貧，無以供葬者，聽賣永業田，即流移者亦如之。樂遷就實鄉者，并聽賣口分。賣充住宅，宅邸店碾磑者，雖非樂遷，亦聽私賣。諸買地者不得過本制，雖居狹鄉亦聽依寬制。其賣者不得更請，凡賣買皆須經所部官司申牒，年終彼此除附。若無文牒，輒賣買，財沒不追。地還本主，諸以工商為業者，永業口分田各減半給之。在狹鄉者並不給，諸因王事沒落外藩，不還。有親屬同居，其身分之地六年乃追。身還之日，隨便先給。即身死王事者，其子孫雖未成丁，身分地勿追。其因戰傷及篤疾廢疾者，亦不追。減聽終其身也。諸田不得貼賃及質，違者財沒不追。地還本主。若從遠役外任，無人守業者，聽貼賃及質。其官人求業田及賜田，欲賣及貼賃者，皆不在禁限。諸給口分田，務從便近，不得隔越。若因州縣改易，隸地入他境，及犬牙相接者，聽依舊受。其城居之人，本縣無田者，聽隔縣受。雖有此制，開元之季，天寶以來，法令弛壞，兼井之弊，有踰於漢成哀之間。又田令在京諸司及天下州府縣監折衝府鎮戍關津岳瀆等公廨田，職分田各有差。諸職分陸田限三月三十日，稻田限四月三十日以前。上者並入後人，以後上者入前人。其麥田以九月三十日為限。若前人自耕未種，後人酬其功，直已自種者，准租分法。其價六斗以下者，依舊舊定。以上者不得過六斗，並取情願，不得抑配。親王出蕃者，給地一頃作園。若城內無可開拓者，於近城便給。如無官田，取百姓地充。其地給好地，替天寶中應受田一千四百三十萬三千八百六十二頃十三畝。按十四年有戶八百九十萬餘，計定墾之數，每比墾田田數都，得百十餘萬頃。

水利田

魏文侯使李悝作盡地力之教，以為地方百里，提封九萬頃，除山澤邑居參分去一，為田六百萬畝。墾田勤謹，則畝益三斗，不勤則損亦如之。地方百里之增減，輒為粟百八十萬石，必雜五種，以備災害。力耕數耘，收穫如寇盜之至。謂促遽之甚，恐為風雨損也。還廬樹桑。還廬，菜茹有畦，瓜瓠果蓏，木實曰果，草實曰茹，茹所食之菜，畦區也。殖於疆場。至曾孫襄王，以史起為鄴令，起進曰：魏氏之行田也，以百畝。賦田之法，一夫百畝。鄴獨二百畝，是田惡也。漳水在其旁，西門豹為鄴令，不知用於是，以史起為鄴令，遂引漳水溉鄴，以富魏之河內。民歌之曰：鄴有賢令兮，為史公。決漳水兮，灌鄴旁。終古馮園兮，生

徵字官作激

渠

趙

稻梁滷鹵即斤鹵也鹵鹹苦也謂此其後韓聞秦之好興事欲疲之無令

東伐乃使水工鄭國閒說秦令鑿涇水自仲山西抵瓠口為渠並滷鹵

然渠成亦秦之利也秦以為心卒使就渠渠就用注填闕之水溉得

鹵之地四萬餘頃收皆畝一舖於是關中為沃野無凶年命曰鄭國渠

雙過郡下以通舟船因以溉淮諸郡於是蜀浹野千里號為陸海

漢文帝以文翁為蜀郡太守可穿煎波羊朱口溉灌繁田千七百頃

人獲其饒武帝元光中大司農鄭當時言引渭穿渠起長安並南山

下至河三百餘里渠下民田苗以餘頃又可得溉益肥關中之地得

穀天子以為然令齊木工徐伯表巡行表悉發卒數萬人穿漕渠三

歲而通渠下民頗得以溉田矣其後河東守番係請穿渠引汾溉皮

氏汾陰下引何溉汾陰蒲坂下皮氏今龍門縣也屬潞郡汾陰今實縣度可

得五千頃五千頃故盡河壩弃地民莫收其中耳今溉田之度可得穀

二百萬石以上天子以為然遂卒數萬人作渠田數歲河移徙渠不利

則田者不能償種久之河東渠田廢興越人令少府以為稍人時趙人有

與之其租稅入少府也稍漸也其入未多故謂之稍其後莊熊罷言臨晉民即今焉領穿洛以溉重泉

為發卒萬餘人穿渠自徵徵在焉引洛水至商顏下城縣商顏今焉岸

善崩洛水乃鑿井深者四十餘丈往往為井井下相通行水水類以絕

商顏下流東至山嶺一餘田間井渠之間自此始穿渠得龍骨故名曰

龍首渠作之十餘歲渠頗三也猶未得其饒是時用事者言水利朔

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

渠

中大夫此時無公爵蓋相呼尊老之稱也復秦穿渠引涇水首起谷口尾入櫟音陽各口今雲陽注渭中表二百里溉田四千五百餘頃因名曰白渠民得其

饒歌之曰田於何所池陽谷口鄭國在前白渠起後鄭國與於秦舉鍾為雲決采為雨鍾涇水一石其泥數斗且溉且糞長我禾黍衣食京師億萬之口言此兩渠饒也元帝建昭中邵信臣為南陽太

守於穰縣理南六十里造鉗盧陂累石為堤傍開六石門以節水勢澤中有鉗盧王池因以為名用廣溉灌歲歲增多至三萬頃人得其

利及後漢杜詩為太守復修其業時歌之曰前有邵父後有杜母後漢章帝建初中王景為廬江太守郡部安豐縣有楚孫叔敖所

起芍陂先是荒廢景重修之境內豐給其陂經百里灌田萬頃為順帝永和五年馬臻為會稽太守始立鏡湖築塘周迴三百十里灌田九

千餘頃至今人獲其利。晉武帝咸寧元年詔曰今年霖雨過差又有蟲災穎川襄城自春以來略不下種深以為慮主者何以為百

姓計當陽侯杜元凱上疏曰臣輒思惟今者水災東南特劇非但五穀不收居業并損下田所在淳汗高地皆多燒堵百姓困窮方在來

年雖詔書切告長吏二千石為之設計而不廓開大制定其趣舍之宜恐徒文具所益蓋薄當今秋夏蔬食之時而百姓已有不瞻前至

冬春野無青草則必指仰官穀以為生命此乃一方之大事不可不早為思慮臣愚謂既以水為田當恃魚菜螺蚌而洪波汎溢貧弱者終

不能得今者且大壞充及荆河州東界兖州東界今濟陽濟陰東平魯郡之間荆河州東界今汝南汝陰陳郡

之內朝暮野食此目下日給之益也水去之後填淤之田畝收數種至春大種五穀五穀必豐此又明年之益也杜君又言諸欲修水田者皆

以火耕水耨為便非不爾也然此施於新田草萊與百姓居相絕離者耳往者東南草創人稀故得火田之利頃來戶口日增而陂堰歲決良

田變生蒲葦人居沮澤之際水陸失宜放收絕種樹木立枯皆陂之害也陂多則土薄水淺潦不下潤故每有水雨輒復橫流延及陸田言

者不思其故因云此土不可陸種臣計漢之戶口以驗今之陂處皆陸業也其或有舊堰則堅見修固非今所謂當為人害也臣見尚書胡

風啓宜壞陂其言懇至臣又見宋漢侯相應連上便宜求壞泗陂從

古之高渠即修高渠而北復八十里合百二十里大有良田計用四千人
 四十日功渠得成就所欲鑿新渠口河下五尺水不得入今求從小河東
 南岸斜斷到西北岸計長二百七十步廣十步高二丈絕斷小河二十
 日功計得成畢合計用功六十日小河之水盡入新渠水則充足既官
 私田四萬餘頃旬日之間則水一編水凡四溉穀得成實從之公私獲其
 利裴廷雋為幽州刺史范陽郡有舊沈渠徑五十里漁陽燕郡有故
 戾諸堰廣袤三十里皆廢毀多時莫能修復水旱不調人多飢餓延
 雋自度水形營造未幾而就溉田萬餘頃為利十倍。大唐貞觀十
 八年李襲稱為揚州大都府長史乃引雷陂水又築句城塘以溉田
 八百餘頃百姓獲其利徵拜太府卿人至今賴之永徽六年雍州長史
 長孫祥奏言往日鄭白渠溉田四萬餘頃今為富商大賈競造碾磑
 堰逼費水渠流梗澁止溉一萬許頃請修營此渠以便百姓至於鹹
 鹵亦堪為水田高宗曰疏道渠流使通溉灌濟彼災旱應大利益太
 尉無忌對曰白渠水帶泥淤灌田益其肥美又渠水發源本高向下
 枝分極眾若使流至同州則水饒足比為碾磑用水洩渠水隨入滑加
 惠今因其所患而宣瀉之跡古事以明近大理昭然可坐而論得臣
 不勝愚意嘗竊謂最是今日之實益也朝廷從之。東晉張閼請
 為晉陵內史時所部四縣並以旱失田閼乃立曲阿新豐塘今丹陽縣界
 溉田八百餘頃每歲豐稔葛洪為其頌乃徵入拜大司農。宋文
 帝元嘉七年劉義欣為荆河刺史鎮壽陽今壽縣于時土境荒毀百
 姓離散義欣網維補緝隨宜經理芍陂良田萬頃隄堰久壞秋夏常
 苦旱義欣遣諮議參軍殷肅循行脩理有舊溝引淝反水入陂澤水
 伐木開榛水得通涇由是遂豐稔。後魏刁雍為薄骨律鎮將
 至鎮上表曰富平西三十里薄骨律鎮今靈武郡富平今迴樂縣有艾山南北二十六里東
 西四十五里鑿以通河似禹舊迹其兩岸作溉田大渠廣十餘步山
 南引水入此渠中計昔時高於河水不過一丈河水激急沙土漂流今
 日此渠高於河水二丈三尺又河水侵射往往崩頽渠既高懸水不得
 上雖復諸處按舊引水水亦難求今艾山北中有洲渚水分為二西河
 小狹水廣百四十步臣今請入來年正月於河西高渠之北八里分河之
 下五里平鑿渠廣十五步深五尺築其兩岸令高一丈北行四十里還入

古之高渠即修高渠而北復八十里合百二十里大有良田計用四千人
四十日功渠得成就所欲鑿新渠口河下五尺水不得入今求從小河東
南岸斜斷到西北岸計長二百七十步廣十步高二丈絕斷小河二十
日功計得成畢合計用功六十日小河之水盡入新渠水則充足溉官
私田四萬餘頃旬日之間則水一徧水凡四溉穀得成實從之公私獲其
利裴延雋為幽州刺史范陽郡有舊沈渠徑五十里漁陽燕郡有故
戾諸堰廣袤三十里皆廢毀多時莫能修復水旱不調人多飢餓延
雋自度水形營造未幾而就溉田萬餘頃為利十倍。大唐貞觀十
八年李襲稱為揚州大都府長史乃引雷陂水又築句城塘以溉田
八百餘頃百姓獲其利徵拜太府卿人至今賴之永徽六年雍州長史
長孫祥奏言往日鄭白渠溉田四萬餘頃今為富商大賈競造碾磑
堰逼費水渠流梗澁止溉一萬許頃請修營此渠以便百姓至於鹹
鹵亦堪為水田高宗曰跡道守渠使通溉灌濟彼炎旱應大利益太
尉無忌對曰白渠水帶泥淤灌田益其肥美又渠水發源本高向下
枝分極衆若使涑至同州則水饒足比為碾磑用水洩渠水隨入滑加
以壅遏耗竭所以得利遂少於是遣祥等分檢渠上碾磑比毀之至
大曆中水田纔得六千二百餘頃

屯田

漢昭帝始元二年詔發習戰射士詔朔方調鐵故吏將子屯田張掖
郡調發選之也故吏前為官職者今其郡率戰射士於張掖為屯孝宣帝神爵元年遣後將軍趙充國
將兵擊先零羌充國以擊虜殄滅為期乃欲罷騎屯田兵以待其變
奏曰臣所將吏士馬牛食月用糧穀十九萬九千六百三十斛鹽干六
百九十三斛芟稾二十五萬二千八百六十五石石百二十斤難久不解徭役不息
又恐他夷卒有不虞之變且羌虜易以計破難用兵碎也故臣愚心
以為擊之不便計度臨羌東至浩音壘音門即金城郡廣武縣地臨羌在今西平郡也羌虜
故田及公田民所未墾可二千頃以上願罷騎兵留徭刑應募及淮陽
汝南步兵與吏私從者合凡萬二千八百八十一人用穀月二萬七千三百
六十二斛鹽三百八斛分屯要害處水解漕下繕鄉亭浚溝渠漕下
也繕補也理隍音隍以西道橋七十所今可至鮮水左右田事出賦人
一十畝田事出謂至春人出也賦謂墾與之至四月草生發郡騎及屬國胡騎伉健各千

趙充國屯田

倅馬什二就草倅副也什二者千騎則與副馬二百疋也為田者遊兵以充入金城郡益積蓄

省大費今大司農所轉穀至者足支萬人一歲食謹上田處及器用簿

唯陛下裁許之上報曰如將軍之計充國又奏曰今留步士萬人屯田地

勢平易臣愚以為屯田內有亡費之利外有守禦之備騎兵雖罷虜

見萬人留田為必禽之具其土崩歸德宜不又矣詔罷其見萬人留田

兵獨充國留屯田大獲地利明年遂破先零。魏武既破黃巾欲經

略四方而苦軍食不足羽林監潁川襄祚建置屯田於是以任峻為典

農中郎將募百姓屯田於許下今潁川郡許昌縣也得穀百萬斛郡國例置田官

數年之中所在積粟倉廩皆滿廢帝齊王芳正始四年司馬宣王督

諸軍伐吳時欲廣田畜穀為滅賊資乃使鄧艾行陳項以東至壽春

白今淮陽郡項城縣以東至壽春郡艾以為田良水少不足以盡地利宜開河渠可以大積

軍糧又通運漕之道乃著濟河論以喻其指又以為昔破黃巾因為

屯田積穀於許都以制四方今三隅已定事在淮南每大軍征舉運兵

過半功費巨億以為大役陳蔡之間上下田良可省許昌左右諸稻田

引水東下令淮北屯二萬人淮南三萬人十二分休常有四萬人且田且

守水豐常收三倍於西計除眾費歲完五百萬斛以為軍資六七年

間可積三千萬斛於淮上此則十萬之眾五年食也以此乘吳無往而

不克矣宣王善之皆如艾計遂北臨淮水自鍾離西南橫石以西盡泚

脂水四百餘里置一營六十人且田且守兼循廣淮陽百尺二渠上引河

流下通淮潁大理諸陂於潁南北穿渠三百餘里溉田二萬頃淮南淮

北皆相連接自壽春到京師農官兵田雞犬之聲阡陌相屬每東南

有事大軍興眾汎舟而下達于江淮資食有儲而無水害艾所建也

晉羊祜為征南大將軍鎮襄陽吳石城守去襄陽七百餘里每為邊害

祜患之竟以詭計令吳罷守於是六邏減半分以墾田八百餘頃大獲

其利祜之始至也軍無百日之糧及至季年有十年之積太康元年平

吳之後當陽侯杜元凱在荊州今襄陽郡脩邵信臣遺跡邵信臣所作鉗盧陂六門堰並今南陽郡

穰縣界時為荊州所統激用澗音涓音諸水以浸原田萬餘頃分疆刊石使有定分

公私同利眾庶賴之號曰杜父舊水道唯沔漢達江陵千數百里北無

通路又巴丘湖沅湘之會表裏山川寔為險固荆蠻之所恃也預乃開

揚口起夏水達巴陵千餘里夏水揚口在今江陵郡江陵縣界巴陵即今郡內瀉長江之險外通

應詹

荀美

李彪

蘇珍之

嵇暉

田牛視土軟硬

零桂之漕陽並郡南土歌之曰後世無叛由杜翁執識智名與勇功

○東晉元帝督課農功二千石長吏以入穀多少為殿最其宿衛要任

皆令赴農使軍各自佃即以爲廩太興中三吳大飢後軍將軍應詹

上表曰魏武帝用襄祗韓浩之議廣建屯田又於征伐之中分帶甲之

士隨宜開墾故下不甚勞大功剋舉間者流人奔東吳東吳今儉皆

以還返江西良田曠廢來久火耕水耨為功差易宜簡涿人興復農

官功勞報賞皆如魏氏故事一年中與百姓二年分稅三年計賦稅以

使之公私兼濟則倉庾盈億可計日而待之穆帝升平初荀美為北

部都尉領屯田于東陽之石甌亦在今臨淮郡界公私利之

○齊高帝勅相崇祖修理芍陂田曰卿但努力營田自然平殄虜寇昔

魏置典農而中都足食晉開汝潁而河汴委儲卿宜勉之○後魏文

帝大統十一年大旱十二年祕書丞李彪上表請別立農官取州郡戶

十分之一為屯田人相水陸之宜料頃畝之數以贖贖雜物市牛科給令

其肆力一夫之田歲責六斛致其正課并征成雜役行此二事數年

之中則穀積而人足矣帝覽而善之專施行焉自此公私豐且贍雖有

水旱不為害也○北齊廢帝乾明中尚書左丞蘇珍之又議修石甌等

屯歲收數十萬石自是淮南軍防糧足孝昭帝皇建中平州刺史

建建議開幽州督亢舊陂今在涿郡長城左右營屯歲收稻粟數十

萬石北境得以周贍又於河內置懷義等屯以給河南之費自是稍

止轉輸之勞武成帝河清三年詔緣邊城中堪墾食者營屯田置都

子使以統之一子使當田五十頃歲終課其所入以論褒貶○隋文帝

開皇三年突厥犯塞吐谷渾寇邊轉輸勞弊乃令朔方摠管趙仲卿

於長城以北大興屯田○大唐開元二十五年令諸屯隸司農寺者每

三十頃以下二十頃以上為一屯隸州鎮諸軍者每五十頃為一屯應置

者皆從尚書省處分其舊屯重置者一依承前封疆為定新置者並

取荒閑無籍廣古之地其屯雖料五十頃易田之處各依鄉原量事

加數其屯官取勳官五品以上及武散官并前資邊州縣府鎮戍八

品以上文武官內簡堪者充據所收斛斗等級為功優諸屯田應

用牛之處山原川澤土有硬軟至於耕墾用力不同土軟處每頃五十

頭配牛一頭疆硬處一頃三十頭配牛一頭即當屯之內有硬有軟亦

洪澤

準此法其稻田每八十畝配牛一頭諸營田若五十頃外更有地剩配丁牛者所收斛斗皆准頃畝折除其大麥蕎麥乾蘿蔔等准粟計折斛十以定等級天寶八年天下屯收百九十一萬三千九百六十六石關內五十六萬三千八百一十石河北四十萬三千二百八十八石河東二十四萬五千八百八十八石河西二十六萬八十八石隴右四十四萬九百一十二石後上元中於楚州古謝陽湖置洪澤屯壽州置芍陂屯麻田後襲大獲其利

通典卷第二

第一冊 二

鄉黨 上斷 版籍並附

昔黃帝始經土設井以塞諍端立步制畝以防不足使八家為井井開四道而分八宅鑿井於中則不洩地氣二則無費一家三則同風俗四則齊巧拙五則通財貨六則存亡更守七則出入相司八則嫁娶相媒九則無有相貸十則疾病相救是以情性可得而親生產可得而均均則欺陵之路塞親則鬪訟之心弭既牧之於邑故井一為鄰鄰三為朋朋三為里里五為邑邑十為都都十為師師七為州州夫始分之於井則地著計之於州則數詳迄乎夏殷不易其制周制大司徒令五家為比使之相保五比為閭使之相受四閭為族使之相葬五族為黨使之相救五黨為州使之相賙五州為鄉使之相賓鄭玄曰此所以勸民者而教令使之保備任也故救凶災也賙賓客其賢者也受者宅舍有故相受寄託也者謂禮物不備相給足也閭二十五家族百家黨五百家州二千五百家鄉萬二千五百家此總謂鄉也及三年則大比大比則受邦國之比要大比謂使天下更簡閱人數及鄉遂矣鄉司農云五家為比故以此比遂人掌邦之野謂甸稍縣都以土地之圖經田野造縣鄙形體之法五家為鄰五鄰為里四里為鄣作管五鄣為鄣五鄣為鄙五鄙為縣五縣為遂比皆有地域溝樹之使各掌其政令刑禁以歲時稽其人民而授之田野簡其兵器教之稼穡經形體皆謂制分界也序以明教庠則行禮而視化焉夫均其厚薄則生產平統之於都則其數衆知故管子曰欲理其國者必先知其人欲知其人者必先知其地自昭穆之後王室中衰井田廢壞不足以紀人之衆寡宜王是以料人于太原由茲道失之齊相公用管仲管仲曰夫善牧者非以城郭也輔之以什司之以伍伍無非其里什無非其家故奔亡者無所匿遷徙者無所容不求而得不得而召而來故人無流亡之意吏無備追之憂故立政可行於人人之心可繫於主是以制國郊內則以五家為軌軌十為里里四為連連十為鄉鄉五為帥國內十五鄉自五至帥郊外則三十家為邑邑十為卒卒十為鄉鄉三為縣縣十為屬屬有五自五至屬各有官長以司其事以寓軍政焉而齊遂霸徐倬長中論曰夫治平在庶功興庶功興在事役均事役均在民數周民數周為國之本也先王周知其萬民衆寡之數乃分九職焉九職既分則劬勞者可見勤惰者可聞也然而事役不均者未之有也事役既均故上盡其心而人竭其力然而庶功不興者未

鄉

遂

序序

民數

骨

統

完

極

誠

之有也庶功既興故國家殷富大小不價百姓休和下無怨疾焉然而
 治不平者未之有也故泉有源治有本道者審本而已矣故周禮孟
 冬司寇獻民數于王王拜受之登于天府內史司會冢宰貳之其重之
 也如是今之為政者未之知恤已也譬猶無田而欲樹藝雖有農夫安能
 措其強力乎是以先王制六鄉六遂之法所以維持其民而為之綱目也
 使其鄰比相保愛賞罰相延及故出入存亡臧否逆順可得而知也及亂
 君之為政也戶口漏於國版夫家脫於聯伍避役逋逃者有之於是姦心
 競生而偽端並作小則濫竊大則攻劫嚴刑峻令不能救也人數者庶
 事之所自出也莫不取正焉以分田里以令貢賦以造器用以制祿食以
 起田役以作軍旅國以建典家以立度五禮用修九刑用措其唯審人
 數乎。東晉哀帝崇和元年三月庚戌天下所在土斷孝武時范甯
 陳時政曰昔中原喪亂流寓江左庶有旋反之期故許其狹注本郡自
 爾漸久人安其業丘壠墳陌皆以成行無本邦之名而有安土之實今
 宜正其封疆土斷戶明考課之科修閭伍之法難者必曰人各有桑
 土之懷下役之慮斯成并兼之所執而非通理之篤論也古者失地之
 君猶臣所寓之主列國之臣亦有違適之禮隨會仕秦致稱春秋樂毅
 逄燕見襄良史且今普天之人原其氏出皆隨代移遷何至於今而獨
 不可帝善之安帝義熙九年宋公劉裕緣人居土上表曰臣聞先王制
 理九土攸序分境畫野各安其居故井田之制二代以崇秦革其政漢
 遂不改富強兼并於是為弊在漢西京大遷田景之族以實關中即
 以三輔為鄉閭不復係之於齊楚九服不優所託成舊自永嘉播越
 爰託淮海朝運臣復之筭人懷思本之心經略之圖日不暇給是以寧
 人綏理猶有未遑及至大司馬栢溫以人無定本傷理為深庚戌土斷
 以一其業于時財阜國豐實由於此自茲迄今彌歷年載畫一之制漸
 用頽弛雜居流寓閭伍不修王化所以未純人瘠所以猶在自非改調
 無以濟理夫人情滯常難與慮始謂父母之邦以為桑梓者試以生焉
 勸愛所託請依庚戌土斷之科庶存其本稍與事著然後率之以仁義
 鼓之以威聲超大江而跨黃河撫九州而復舊土則戀本之志乃速申
 於當年在始斷勤要終必易於是依界土斷唯徐兗青三州人居晉
 陵者不在斷限諸流寓郡縣多被併省。宋孝武大明中王玄謨請

王斷雍州諸僑郡縣

今襄陽漢東等郡也

齊高帝建元二年詔朝臣曰黃籍人

之大紀國之理端自頃氓偽已久乃至竊注爵位盜易年月或戶存而文

書已絕或人在而反記死版停私而云隸役身強而稱六疾昔政之巨

蠹教之深疵比年雖却改籍書終無得實若約之以刑則人偽已

若緩之以德又未易可懲諸賢並深明理體各獻嘉謀以何科筭能

革斯弊也虞玩之上表曰宋元嘉二十七年八條取人孝建元年書籍眾

巧之所始也元嘉中故光祿大夫傅崇年出七十猶手自書籍躬加隱

校崇何必有石建之慎高柔之勤蓋以時屬休明服道修身故耳古

之共理天下唯良二千石今欲求理正其在勤明令長凡受籍縣不加

檢勘但封送州州檢得知方却歸縣吏貪其賂人肆其姦茲彌深而

却彌多賂逾厚而答逾緩自泰始三年至元徽四年揚州等九郡黃

籍共却七萬一千餘戶于今十一年矣而所正者猶未四萬神州奧區

尚或如此江湘諸郡倍不可念愚謂宜以元嘉二十七年籍為正人情

法既久今建元二年書籍宜更立明科一聽首悔迷而不返依制必戮

使官長審自檢校切令明洗然後上州亦以為正若有虛昧州縣同答

今戶口多少不減元嘉而板籍頓闕弊亦有以自孝建以來入勲者

眾其中操干戈衛社稷者三分殆無一焉尋蘇峻平後庾亮就溫嶠

求勲簿而嶠不與以為陶侃所上多非實錄物之懷私無代不有宋

末落紐比巧尤多又有改注籍狀詐入仕流昔為人役者今反役人又

生不長髮便謂為道或抱子并居音不編戶遷徙去來公遣土斷屬

役無漏流亡不歸法令必行自然競反為理不患無制患在不行不行

患在不久帝省表納之乃別置校籍官置令史限人一日得數巧以防

懈怠至武帝永明八年謫巧者或緣准各十年百姓怨咨帝乃詔曰既

往之慙不足這答自宋昇明以前皆聽復注其有謫役邊疆各許還

本自此後有犯嚴加其罰。梁武帝時所司奏南徐江郢通兩年

黃籍不上尚書令沈約上言曰晉咸和初蘇峻作亂版籍林火燒此後起

咸和二年以至平宋並皆詳實朱筆隱注紙連悉縫而尚書上省庫

籍唯有宋元嘉中以來以為宜檢之日即事所須故也晉代舊籍並

在下省左人曹謂之晉籍有東西二庫既不係尋檢主者不復經懷

狗牽鼠齧雨濕沾爛解散于地又無局勝此籍精詳實宜保惜位高

官卑皆可依按。宋元嘉二十七年始以七條徵發既立此利苟有迴避姦偽互起歲月滋廣以至於齊於是東堂校籍置郎令史以掌之而簿籍於此大壞矣凡粗有衣食者莫不互相因依競行姦貨落除卑注更書新籍通官榮爵隨意高下以新換故不過用一萬許錢昨日卑微今日仕伍凡此姦巧並出愚下不辨年號不識官階或注義熙在寧康之前或以崇安在元興之後此時無此府此年無此國元興唯有三年而猥稱四年又詔書甲子不與長曆相應如此詭譎萬緒千端校籍諸郎亦所不覺不才今史更何可言且籍字既細難為眼力尋求巧偽其知所在徒費日月未有實驗假令兄弟三人分為三籍却一籍父祖官其二初不被却同堂從祖以下固自不論諸如此例難可悉數或有應却而不却不須却而却所却既多理無悉當懷冤抱屈非止百千投辭請訴充曹荆府既難領理交輿人怨於是悉聽復注普停洗却既蒙復注則莫不成官此蓋核籍不精之巨弊也臣謂宋齊二代士庶不分雜役減闕職由於此自元嘉以來籍多假偽景平以前既不係檢凡此諸籍得無巧換今雖遺落所存尚多宜有徵驗可得信實其永初景平籍官移還上省竊以為晉籍所餘須加實愛若不切以留意則還復散失矣不識宵胤非謂衣冠凡諸此流罕知其祖假稱高曾莫非巧偽質諸文籍姦事立露徵覆矯詐為益實弘又上省籍庫雖直郎題掌而盡日料校唯令吏獨入籍既重寶不可專委羣細若入廩檢籍之時直郎直都應共監視寫籍皆於郎都目前並加掌置私寫私換可以永絕事畢郎出仍自題名臣又以為巧偽既多並稱人士百役不及高卧私門致令公私關之是事不舉宜選史傳學士詰究流品者為左人郎左人尚書專共校勘所責卑姓雜譜以晉籍及宋永初景平籍在下省者對共讎校若譜注通籍有卑雜則條其巧謬下在所科罰帝以是留意譜籍詔御史中丞王僧孺改定百家譜由是有令史書吏之職譜局因此而置始晉太元中負外散騎侍郎賈弼好簿狀大披羣族所撰十八州百一十六郡合七百一十二卷士庶略無遺闕其子孫代傳其業宋王弘劉湛並好其書弘曰對千客不犯一人諱湛為選譜始撰百家譜以助銓序傷於寡略齊王儉復加得繁省之表僧孺為八十卷東南諸族則為一部不在百家之數。陳文

帝天嘉初詔曰自頃編戶播遷良可哀傷其失土逐食流移者今年內隨其適樂來歲不問僑舊悉令著籍同土斷之例。後魏初不立三長唯立宗主督護所以人多隱冒五十三家方為一戶謂之蔭附蔭附者皆無官役豪強徵斂倍於公賦矣孝文太和十年給事中李冲以三正理人所由來遠於是制三長之制曰宜准古五家立一鄰長五鄰立一里長五里立一黨長黨長取鄉人強謹者鄰長復一夫里長二黨長三所取復征式餘若人三長三載亡愆則陟用之一等太后覽而稱善引見公卿議之中書令鄭羲祕書令高祐等曰冲求立三長者乃欲混天下為一法言似可用事實難行太尉元不曰臣謂此法若行公私有益方今有事之月校比人戶新舊未分人心勞怨請過今秋至及閑月徐乃遣使於事為宜冲曰人可使由之不可使知之若不因調時百姓徒知立長校戶之勤未見均徭省賦之益心必生怨宜及課調之月令知賦稅之均既識其事又得其利因人之欲為之易行著作郎傅思益進曰人俗既異險易不同九品差調為日已久一朝改法恐成擾亂太后曰立三長則課有常準賦有恒分苞蔭之戶可出澆倖之人可止何為而不可遂立三長公私便之。北齊令人居十家為鄰比五十家為閭百家為族黨一黨之內則有黨族一人副黨一人閭正二人鄰長十人合有十四人共領百家而已至於城邑一坊僑舊或有千戶以上唯有里正二人里吏二人里吏不常置隅老四人非是官府私充事力坊事亦得取濟若論外黨便是煩多時宋孝王撰關東風俗傳曰昔六國之亡其豪族處處而有秦氏失馭競起為亂及漢高徙諸大姓齊田楚景之輩以實關中蓋所以強本弱末之計也文宣之代政令嚴猛羊畢諸豪頗被徙逐至若瀛冀諸劉清河張宋并州王氏濮陽侯族諸如此輩一宗近將萬室煙火連接比屋而居獻武初在冀郡大族蝟起應之侯景之反河南侯氏幾為大患有同劉元海石勒之眾也凡種類不同心意亦異若遇閒隙先為亂階時宋世良獻書以為魏氏十姓八氏三十六姓皆非齊代腹心請令散配鄰國無士族之處給地為人一則令其就彼仕宦全其門戶二則分其氣勢使無異圖文宣不納數年之後乃濫戮諸元與其酷暴誅夷未若防其萌漸分隸諸郡

○隋文帝受禪頒新令五家為保保五為閭閭四為族皆有正畿外置

違

里正比閭正黨長比族正以相檢察蘇威奏置五百家鄉正令理人間詞訟李德林以為本廢鄉官判事為其里閭親識剖斷不平今令鄉正專理五百家恐為害更甚且今時吏部摠選人物天下不過數百縣於六七百萬戶內詮簡數百縣令猶不能稱才迺欲於一鄉之內選一人能理五百家者必恐難得又即要荒小縣有不至五百家者復不可令兩縣共管一鄉勅內外羣官就東宮會議自皇太子以下多從德林議蘇威又言廢郡德林語之云修令時公何不論廢郡為便令纔出其可改乎然高穎同威之議遂置之十年虞慶則於關東諸道巡省使還並奏云五百家鄉正專理辭訟不便於人黨與愛憎公行貨賄乃廢之大唐令諸戶以百戶為里五里為鄉四家為鄰三家為保每里置正一人若山谷阻險地遠人稀之處聽隨便置掌按比戶口課植農桑檢察非違催驅賦役在邑居者為坊別置正一人掌坊門管鑰督察姦非並免其課役在田野者為村別置村正一人其村滿百家增置一人掌同坊正其村居如滿十家者隸入大村不須別置村正天下戶為九等三年造戶籍凡三本一留縣一送州一送戶部常留三比在州縣五比送省儀鳳二年二月敕自今以後省黃籍及州縣籍也諸里正聽可選動六品以下白丁清平驅幹若充其次為坊正若當里無人聽於比鄰里簡用其材正取白丁充無人處里正等並通取十八以上中男殘疾等充

通典卷第三

通典卷第四 食貨四

賦稅上

古之有天下者未嘗直取之於人其所以制賦稅者謂公田什之一及工商衡虞之入稅以供郊廟社稷天子奉養百官祿食也賦以給車馬兵甲士徒賜子也言人君唯於田及山澤可以制財賄耳其工商雖有技巧之作行販之利是皆浮食不敦其本蓋欲抑損之義也古者宅不毛有里布地不耕有屋粟人無職事出夫家之征言宅不毛者出一里二十五家之泉田不耕者出三家之稅粟人雖有閒無職事猶出夫稅家稅夫稅者謂田畝之稅家稅者謂出土徒車輦給徭役也蓋皆罰其惰務令歸農是故歷代至今猶計田取租稅古者人君上歲及不過三日是故歷代至今雖加至二十日數倍多古制猶以庸為名既免其役日收庸縮三尺共當六丈更調二丈則母丁壯當兩疋矣夫調者猶存古井田調發兵車名耳此豈直斂人之財者乎什一者天下之正中多乎則大桀小桀寡乎則大貉小貉故什一行而頌聲作二不足而碩鼠興古之聖王以義為利不以利為利寧積於人無藏府庫百姓不足君孰與足是知鉅橋盈而躬喪成阜溢而秦亡記曰人散則財聚財散則人聚此之謂也漢武攘四夷平百越邊用益廣科軸其空於是置平糶立均輸起漕運興鹽鐵開礦置爵設權酷收筭緡納雜稅更造錢幣蓄貨長財雖經費獲濟而下無聊矣夫文繁則質衰末盈則本虧及散淳朴之風導成貪叨之行是以惡其啓端也賢良文學辯論甚詳然處昇平之代是古則理高居多務之時非今則事闕一減一否故悉存焉陶唐制翼州厥賦惟上上錯孔安國曰賦謂土也所生以供天子上第一等雜推出第一之賦兗州厥賦貞貞正也州第九賦正與九相當厥貢漆絲厥篚織文也宜係漆林又宜桑蠶織文青州厥賦中上第四厥貢鹽絺海物惟錯錯非一也兗州厥賦中中第五厥貢惟土五色王者封五色土為社建諸侯則各割其方色上與之使泗濱浮磬淮夷蠙珠立社壽以黃土直以白石茅取其絮黃取王首覆四方揚州厥賦下泗水匯水中見石可以為磬蠙珠名淮夷二水出蠙珠及美魚厥篚玄纈玄纈纈縞也縞在中明二物皆細揚州厥賦下珠名淮夷二水出蠙珠及美魚上上錯賦第七厥貢惟金三品金銀瑤琕條瀉揚州厥賦下出此五物皆貢厥篚厥絲厥篚厥絲中琴徐州厥賦中中第五厥貢惟土石似玉者岱山之谷厥篚厥絲厥篚厥絲中琴徐州厥賦中中第五厥貢惟土五色立社壽以黃土直以白石茅取其絮黃取王首覆四方揚州厥賦下揚州厥賦下泗水匯水中見石可以為磬蠙珠名淮夷二水出蠙珠及美魚上上錯賦第七厥貢惟金三品金銀瑤琕條瀉揚州厥賦下出此五物皆貢厥篚厥絲厥篚厥絲中琴徐州厥賦中中第五厥貢惟土惟木齒象牙革犀皮羽鳥羽毛鹿牛尾木鞭梓豫章厥篚織貝織細物厥包橘柚錫小曰錫大曰鏹揚州厥賦下揚州厥賦下

輕近重遠

若

括礪砥砧丹砥細於礪皆磨石也惟箇籛桔三邦底貢厥名箇籛美竹也

之澤近澤三國常致致中矢鐵月朱頌包匭菁茅匭匣也菁以爲厥籛玄纁璣組此州殊女

貢之其名下稱善歲珠類九江納錫六龜尺二寸曰大龜出九江水豫州厥賦錯上中賦第二又歌

組級類中龜不常用錫命而納之錫貢錫錯治器梁州厥賦下中錯賦

貢漆象絲紵厥籛織績績細錫貢錫錯治器梁州厥賦下中錯賦

賦中第六厥貢珠璣琅玕禹定九州量遠近制五服任土

作貢分田定稅十一而賦萬國以康故天子之國內五百里甸服爲天子

百里賦納總禾稟曰總二百里納銓銓州謂三百里納結服結稟也四百里

粟五百里米所納精者其外五百里曰侯服侯侯也百里采供主事二百

里男邦男任三百里諸侯同爲王又其外五百里曰綏服服王者三百里揆

文教度王者文二百里奮武衛奮武衛天子又其外五百里曰要服要束以

三百里夷守平常二百里蔡蔡法也又其外五百里曰荒服言荒又

百里蠻以文德蠻來二百里流流移也言政教隨其俗是元命禹理水因別九

殷以天子之地百里之內以供官千里之內曰甸以爲御千里之外曰流設

方伯以爲屬公田籍而不稅稅均七十而助助者籍也借是以求也寡其

供也易降及辛紂暴虐厚賦以實鹿臺大斂以積巨橋周武王既誅

紂發其財散其粟反其失而人安於是分九畿方千里曰王畿其外曰甸

畿亦曰其首祀物又外曰甸畿其貢嬪物任嬪以女又外曰男畿其貢器物

任土以飭材事又外曰采畿其貢服物緇績又外曰衛畿其貢財物龜貝又外曰

蠻畿又外曰夷畿要服也其貢貨物象又外曰鎮畿又外曰藩畿自侯

男采衛蠻夷鎮藩各相去五百里爲限其來朝之歲具禮朝覲篇也此荒服也具職官謂之藩國世一見各以其

所貴寶爲執司徒職以歲時登其夫家之衆實辨其可任者國中自

七尺以及六十野自六尺以及六十有五日征之其捨者國中貴者賢者能

者服公事者老者疾者皆捨以歲時入其書鄭立曰登成也定也國中

事也捨者謂有復除捨不收役事也貴者謂若今室正及關內侯皆復也服公事者謂

若今更有復除也老者謂若今八十九十復羨卒也疾者謂若今癘不可事者復之謂入其

書者言於大司徒凡任地國宅無征園廛二十而一近郊十一遠郊二十而三甸稍縣

都皆無過十二唯其漆林之征二十而五征稅也言征者以供國政也任地謂任土

治者也周稅輕近而重遠近者多役也園廛亦輕之者廛無穀園少利也凡宅不毛者有里布凡田不耕者出屋粟

凡民無職事之日出夫家之征宅不毛者謂不樹桑麻也罰以一里二十五家之泉

凡民無職事者猶出夫養家者也夫稅者有國中及四郊之人民六畜之數以任

之穡家先者出士徒車蓋給保役

國中及四郊之人民六畜之數以任

任民

取不勉

後人歲三日

稅賦

初稅取

什一而籍

私稼不善則非吏

作丘甲

用田賦

力待其政令以時徵其賦自屬里至遠郊也堂六畜數者凡任民任農以耕

事貢九穀任圃以樹事貢草木任土以飭材事貢器物任商

以市事貢貨賄任牧以畜事貢鳥獸任嬪以女事貢布帛

任衡以山事貢其物任虞以澤事貢其物貢草木謂葵非果蔬之屬凡庶民不畜者

祭無牲不耕者祭無盛不樹者無棹不蠶者不帛不績者不練其家

四兩為卒五卒為旅五旅為師五師為軍以起軍旅以作田役夫役

人歲不過三日任其土所以紀地宜也分五服設九畿所以別遠近也五

人為伍所以知衆寡也因井廬以定賦稅稅謂公田什一及工商衡虞之金

兵甲上徒之役充實府庫賜予之用稅給郊社宗廟百神之祀天子奉

養百官祿食庶事之費皆因其所工不求其所拙農人納其獲工女効

其織是以黔首安本而易贍下足而上有餘也魯宣公十五年初稅畝

公羊傳曰初者何始也稅畝者何履畝而稅也宣公無恩信於民不肯盡力於公田故履踐按行擇其善者

稅初亦不言稅畝初稅畝何以書譏何譏爾譏始履畝而稅也何譏乎始履畝而

非什一者天下之中正也什一行而頌聲作矣頌聲者太平歌謠之聲也

不善則非民民勤私也初稅畝者非公之去公田而履畝十取一也以公之與民

為已悉矣悉謂盡其力左傳成公元年三月作丘甲周禮九夫為井四井為邑四邑

賦公羊傳曰何以書據當則稅譏何譏爾譏始用田賦也田賦者若今漢家賦民錢以田為率矣不言非者城郭里巷亦有井賦悉賦之言用

徹也有若曰百姓足君孰與不足百姓不足君孰與足古十取一又問孔

子孔子曰薄賦斂則人富公曰若是寡人貧矣對曰愷悌君子人之父

母未見子富而父貧也管子曰地之生財有時人之用力有倦而人君之

欲無窮以有時與有倦養無窮之君而度量不生於其間度量無窮則

則下上相疾也孟子曰畜馬乘不祭於雞豚伐冰之家不畜牛羊百束之

賦亦不言稅畝古者什一而籍行一以籍民力以什與古者曷為什一而籍

窮至此極言漢晉作者民以食為本也是故聖人制井田之法而口分之一夫

賦亦不言稅畝初稅畝何以書譏何譏爾譏始履畝而稅也何譏乎始履畝而

家不畜聚斂之臣與其有聚斂之臣寧有盜臣此謂國不以利為利以

義為利也又曰夏后氏五十而貢殷人七十而助周人百畝而徹其實皆

什一也徹者徹也助者籍也詩曰雨我公田遂及我私唯助為有公田由

此觀之雖周亦助也又曰尊賢使能則天下之士比自悅而願立於其朝矣

市廛而不征則天下之商皆悅而願藏於其市矣廛市宅也古者無征世征之

國官無征法而不廛者當以什一開議而不征則天下之行旅比自悅而願出於

其路矣言開禁示異服異語可不征稅也周禮曰開市之賦司開耕者助而不稅則

天下之農皆悅而願耕於其野矣助者井田什一助在公田也廛無夫甲之

布則天下之人皆悅服而願為之氓矣田不墾稅賦若履畝之類也廛無夫甲之

也夫須五穀不生唯黍生之無城郭宮室宗廟祭祀之禮無諸侯幣

帛饗殮無百官有司故二十取一而足也今居中國去人倫無君子如

之何其可也孫武曰天帝王處四海之內居五千里之中焉能盡專其利

是以分建諸侯以其利而利之使食其土毛之實役其民氓之故賦稅無轉

徙之勞徭役無怨曠之歎魏文侯時租賦曾倍於常或有賀者文侯

曰今戶口不加而租賦歲倍此由課多也譬如彼治之令大則薄令小則厚

治之亦如之夫貪其賦稅不愛人是虞人反裘而負薪也徒惜其毛而不知

皮盡而毛無所附秦孝公十二年初為賦納商賦說關所始皇建守罷侯

貴以自奉提封之內撮粟尺布一夫之役盡專於己徂春歷秋往還萬里

是所得者至寡所苦者至大人用無聊海內咸怨夫夏之貢殷之助周

之籍皆十而取一蓋因地而稅秦則不然舍地而稅人故地數未盈其稅必備

是以貧者避賦役而逃富者務兼并而自若加之以内興功作外攘

夷狄收秦半之賦發閭左之戍竭天下之資財以奉其政猶未足以贍

其欲也二世承之不變其大反更益之海內愁怨遂用瀆畔。饑高帝

接秦之敝諸侯並起民生於業而大飢饉凡米石五千上於是約法省禁

輕田租什五而稅一量吏祿度官用以賦於民饒取而山川園池市肆租

稅之入自天子以至封君湯沐邑皆足為私奉養不領於天下之經費

反表自新

秦舍地稅人

策賦

收其所賦稅以自供不納國又令買之不得衣絲乘車重租稅以困辱之四年
八月初為筭賦漢儀何人年十五已上至五十六出賦孝惠元年減田租復十五

十五稅一 女子不嫁出算

三年一事

漢文除租稅之半

稅一 漢家初十五稅一 六年令女子年十五以上至三十不嫁五算 國語越王勾

於萬人帝從其言後天下充實乃下詔賜人十一年租稅之半十三年詔

曰農天下之本務莫大焉今勤身從事而有租稅之賦是謂本末者無

以異也 本農也末賈也言農與賈 其於勸農之道未備其除田之租稅亦以

高年九十者一子不事八十者二算不事 一子不事 錫其賦役 二

子年二十始傳 二十更為異制 孝武即位董仲舒說上曰古者稅民不過什

一其求易供使民不過三日其力易足至秦則不然用商鞅之法又加

月為更卒已復為正一歲也成一歲力役三十倍於古 更卒謂總郡縣一月

八十復二算九十復甲卒 二算二口之算也復 孝昭始元六年秋七月罷推

酤官令民得以律占租 律諸當占租者家侵身占以其物占占不與實家長不與

者皆勿收 更有三品有年更有賦也 有遇更古者正卒無常人日當遇更一月二更

平元年詔曰天下以農桑為本日者省用罷不急官減外徭耕桑者益

衆而百姓未能家給朕甚愍焉其減口賦錢有司奏請減什三上許之孝

宣帝甘露二年減民算三十孝成建始二年減天下賦錢算四十 本算并百

四十為 孝平元始元年詔天下女徒已論歸家顧出錢月三百 謂女徒論罪

亦謂人負人負富人之地也切假 假名三十實什稅三也富者驕而為邪貧者窮

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

國語越王勾

產子者復等

實布

而為茲俱陷於辜刑用不措今更名天下之田曰王田又以周官稅人凡田不耕為不殖出三夫之稅城郭中宅不樹藝者為不毛出三夫之布不及薪菜也人浮游無事出夫布一疋其不能出布者允作縣官衣食之餼又分裂州郡改職作官邊兵二十餘萬仰縣官衣食用度不足數積斂賦又一切調上公以下諸有奴婢者率一口出錢三千六百天下愈愁。後漢光武建武中田租三十稅一有產子者復以三年之筭也明帝即位人無橫徭天下安寧時穀貴尚書張林上言穀所以貴由錢賤故也可盡封錢一取布帛為租以通天下之用從之。魏武初平袁紹郡都令收田租取粟四升戶絹二疋綿二斤餘不得擅興。晉武帝平吳之後制戶調之式丁男之戶歲輸絹三疋綿三斤女及次丁男為戶者半輸其諸邊郡或三分之一遠者三分之一夷人輸實雖公布戶一疋遠者或一丈不課田者輸義米戶三斛遠者五十極遠者輸筭錢人二十八文成帝咸和五年始度百姓田取十分之一率畝稅米三升是後頻年水旱田稅不至咸康初筭田稅米空縣五十餘萬斛尚書諸曹以下免官哀帝即位乃減田租收二升孝武帝太元二年除度定田收租之制公王以下口稅三斛唯蠲在役之身八年又增稅米口五石以收牛給貧家田于苑中公收其八分入私有牛無地者亦田其死中公收其七分入私聖室參軍封裕諫曰魏晉遺道消之代猶削百姓不至於七八晉官牛四者得六分入私得四分私牛而得田者與中分自餘與之八以備樂自備曰非明王之道焉李暹曰丁歲三斛文丁牛之調輸不調數文綿數兩率少長稱百姓富實門閭不開無租長盡也

宋文帝元嘉中始與太守孫謩上表曰武吏年滿十六便課米六十斛五十以下至十三皆課三十斛一戶內隨丁多少悉比戶輸米且十三歲兒未堪田作或是單適便自逃匿戶口歲減寔此之由宜更量課限使得存立今若減其米課雖有交損考之將來理有深益詔善之也孝武帝大明五年制天下人戶歲輸布四尺

通典卷第四

賦稅中

齊高帝初竟陵王子良上表曰宋文帝元嘉中皆責成郡縣孝武徵求急速以郡縣遲緩始遣臺使自此公役勞擾凡此輩使人既非詳慎貪險崎嶇以求此役朝辭禁門情態即異暮宿村縣威福便行驅迫郵傳侮折守宰瞻郭覩境飛下嚴符但稱行臺未明所督攝摠曹署振鷲都邑深村遠里俄刻十催或天布之逋曲以當疋百錢餘稅且增爲千誑云質作尚方寄繫東冶百姓駭迫不堪其命恣意贓賄無人敢言貧薄禮輕即生謗讟愚謂凡諸檢課宜停遣使明下符旨審定期限如有違越隨事糾坐則政有恒典人無怨咨子良又啓曰今所在穀價雖和室家飢嗷苦草反縑纈雖賤駢門騾質而守宰務在哀刻園桑品屋以准貲課致令斬樹發瓦以充重賦破人敗產要利一時東郡使人年無常限郡縣相承准今上直每至州臺使命切求縣急乃有畏失嚴期自殘軀命亦有斬絕手足以避徭役守長不務先富人而唯言益國豈有人貧於下而國富於上耶又泉鑄歲遠類多翦鑿江東大錢十不

園桑品屋

一在公家所受必須輸郭遂買本一千加子七百猶求請無地且錢布相半爲制永久或聞長率須令輸錢進違舊科退容姦利欲人康泰其可得乎又啓曰諸賦稅所應納錢不限大小但今所在兼折布帛若雜物是軍國所須者聽隨價准直不必盡令送錢於公不虧其用在私實荷其渥昔晉氏初遷江左草糊絹布所直十倍於今賦調多少因時增減永初中官布疋直錢一千而人所輸聽爲九百漸及元嘉物價轉賤私貨則疋直六百官受則疋准五百所以每欲優人必爲降落今入官好布疋下百餘其四人所送猶依舊制昔爲刻上今爲刻下耻庶空儉豈不由之救人拯弊莫過減賦略其目前小利取其長久大益無患人貲不殷國用不阜也武帝時豫章王疑上表曰宋氏以來州郡秩俸及雜供給多隨土所出無有定准大理在夙均政由一典伏尋郡縣長尉俸祿之制雖有定科而其餘資洽復由風俗東北異源西南各序習以爲常因而弗變順之則固匪通規澄之則靡不入罪豈約法明章先令後刑之謂也臣謂宜使所在各條件公田秩俸迎送舊典之外守宰相丞有何供課尚書精加勘覆務存優衷事在可通隨宜頒下四

方永為恒制帝從之自東晉寓居江左百姓南奔者並謂之僑人往往
 散居無有土著而江南之俗火耕水耨土地卑濕無有蓄積之資諸蠻
 陬俚洞窟休王化者各隨輕重收財物以裨國用又嶺外酋帥因生口
 翡翠明珠犀象之饒雄於鄉曲者朝廷多因而署之以收其利歷宋齊
 梁陳皆因而不改其軍國所須雜物隨土所出臨時折課市取乃無
 恒法定令列州郡縣制其任土所出以為徵賦其無貢之人不樂州縣
 編者為之浮浪人樂輸亦無定數任量唯所輸終優於正課焉都下
 人多為諸王公貴人左右佃客典計衣食客之類皆無課役官品第一
 第二佃客無過四十戶每品減五戶至第九品五戶其佃穀皆與大家
 量分其典計官品第一第二置三人第三第四置二人第五第六及公
 府參軍殿中監監軍長史司馬部曲督關外侯材官議郎以上一人
 皆通在佃客數中官品第六以上并得衣食客三人第七第八二人第
 九品舉輦跡禽前驅強弩司馬羽林郎殿中虎賁持推斧武騎虎賁
 持鉞色立反冗從虎賁命武騎一人其客皆住家籍其課丁男調布絹各
 二丈絲三兩綿八兩祿絹八尺祿綿三兩二分租米五石丁女並半之男年
 九九十六亦半課年十八正課六十六免課其男丁每歲役不過二十日其田
 畝稅米二外蓋大率如此其度量三外當今一外秤則三兩當今一兩尺
 則一尺二寸當今一尺今謂自梁武帝末侯景之亂國用常福京官文武
 月別唯得廩食多遇帶一郡縣官而取其祿秩焉楊徐等大州比令僕
班

班 楊州督王縱理在建康徐州督二里鎮理在京
班 口此外官刺史最重者尚書令僕射官品第三也
班 寧桂等小州比參軍班
班 軍今要圖
班 郡桂州理始安今郡名並外官刺
班 史最輕者府參軍官品第六也
班 丹陽郡吳郡會稽等郡同太子詹事尚書班
班 郡理建康三郡會稽即今郡並列
班 郡最重者詹事尚書官品第三也
班 高涼晉康等小郡三班而已
班 外郡最輕者梁武帝
班 定九品後其內官更為十八班以班多者為貴同班者則以居下為貴
班 是郡六班小縣兩
班 則與品第高下不倫當是其時更以階隔為差耳本史既略不可言焉

轉方至一班品第既殊不可悉載其州郡縣祿米絹布絲綿當處輸壹室傳
 倉庫并給刺史守令等先准其所部文武人物多少由勅而裁凡如此祿秩
 既通所部兵士給之其家得蓋少諸王諸主出閣就第婚冠所須及衣
 裳服飾并酒米魚鮓香油蠟等並官給之王及主壻外祿者○後魏
 道武帝天興中詔採諸漏戶令輸綿綿自後諸逃戶占為紬蠶羅縠
 者甚眾於是雜營戶帥一冊於天下不隸守宰賦役不同戶口錯亂景
 穆帝即位一切罷之以屬郡縣魏令每調一夫一婦帛一疋粟二石人年十

五以上未娶者四人出一夫一婦之調。奴任耕婢任績者八口。當未娶者四
耕牛十頭。當奴婢八。其麻布之鄉。一夫一婦布一疋。下至半。以此為降大
率。十疋中五疋為公調。二疋為調外費。三疋為內外百官俸。人年八十以
上。聽一子不從役。孤獨病老篤貧不能自存者。亦一人不從役。舊制人間所
織絹布皆幅廣一尺二寸。長四十尺。為一疋。六十尺為一端。後乃漸至濫
惡。不依尺度。孝文帝延興三年秋。更立嚴制。令准前式。違者罪各有
差。四年詔州郡人十丁取一以充行戶。收租五十石以備年糧。太和八年
始准古班百官之祿。以品第各有差。先是天下戶以九品混通。戶調帛
二疋。絮二斤。絲一斤。粟二十石。又人帛一疋。二丈。委之州庫。以供調外之費。
至是戶增帛三疋。粟二石九斗。以為官司之祿。復增調外帛。備二疋。所
調各隨其土所出。其司冀雍華定相秦洛荆河懷兗陝徐青齊濟
南河東東徐等州。貢綿絹及絲。其餘郡縣少桑蠶。處皆以麻布充。孝
明帝時張普惠上疏曰。伏聞尚書奏復綿麻之調。遵先皇之令。軌復
高祖之舊典。仰惟高祖廢大斗去長尺。改重秤。所以愛百姓從薄賦。知
軍國須綿麻之用。故立幅度之規。億兆荷輕賦之饒。不憚於綿麻而已。
故歌舞以供其賦。奔走以役其勤。天子信於上。億兆樂於下。自茲以降。
漸漸長闊。百姓怨嗟。聞於朝野。宰輔不尋其本。知天下之怨綿麻。不察
其幅廣度。長秤重斗。大革其所弊。存其可存。而特放綿麻之調。以悅天下
之心。此所謂悅之不以道。愚臣所以未悅者也。尚書既知國少綿麻。不惟法
度之難易。人言之可畏。便欲去天下之大信。弃已行之成詔。遵前之非。遂後
之失。奏求還復綿麻。以充國用。不思庫中大有綿麻。而都官共竊利之。愚
臣以為於理未盡。何者。今官人請調度造衣物。必度量絹布。疋有尺丈之
盈。猶不計其廣。絲綿斤兩。兼百銖之賸。未聞依律罪州郡者。若一疋之
濫。一斤之惡。則鞭戶主。連及三長。此所謂教人以貪也。今百官請俸。只樂
其長闊。并欲厚重。無復准極。得長闊。厚重者。使云其州能調絹布。精
闊且長。橫發美稱。以亂視聽。此百司所以仰負聖明者也。今若必復綿
麻。謂宜先令四海。知其所由。明立嚴禁。復本幅度。新綿麻之典。依太和
之稅。其在庫絹布。并及絲綿。不依典制者。請遣一尚書與太府卿左右
藏令。依今官度。官秤計其斤兩。廣長。折以請俸之人。摠常俸之數。年俸
所出。以市綿麻。亦應周其一歲之用。使天下知二聖之心。愛人惜法。如此則

因人貧富為租輸

百保鮮卑

半床租調

墾租 義租
三島

高祖之執中興於神龜明明慈信昭布於無窮孰不幸其正光後國用不足乃先折天下六年租調而徵之百姓怨苦有司奏斷百官常給之酒計一歲所省米五萬三千五百斛九斗麩穀六千九百六十斛麴三十萬五千九十九斤其四時郊廟百神羣祀依式供營遠蕃客使不在斷限爾後寇賊轉衆諸將出征相繼奔敗所亡器械資糧不可勝數而關西喪失尤甚帑藏空竭有司又奏內外百官及諸蕃客廩食及肉悉三分減一訂歲終省肉百五十九萬九千八百五十六斤米五萬三千九百三十二石孝昌二年冬稅京師田租畝五升借賃公田者畝一斗莊帝即位因人貧富為租輸三等九品之制千里內納粟千里外納米上三品戶入京師中三品入他州要倉下三品入本州靖帝天平初諸州調絹不依舊式興和三年各班海內悉以四十尺為度天下利焉元象興和之中頻歲大穰穀斛至九錢法網寬弛百姓多離舊居闕於徭賦矣齊神武秉政乃命孫騰高崇之分責無籍之戶得六十餘萬於是僑居者各勒還本是後租調之入有加焉及侯景背叛河南之地困於兵革尋而侯景亂梁乃命行臺辛術略有淮南之地其附州郡羈縻輕稅而已北齊文宣受禪多所草創六坊內從者更加簡練每一人必當百人任其臨陣必死然後取之謂之百保鮮卑又簡華人之勇力絕倫者謂之勇士以備邊要始立九等之戶富者稅其錢貧者役其力後南征頻歲陷沒士馬死者以數十萬計武成以修創臺殿所役甚廣兼井戶口益多隱漏舊制未娶者輸半牀租有妻者輸一牀無者半牀陽翟一郡戶至數萬籍多無妻有司劾之帝以為生事不許由是姦欺尤甚戶口租調十亡六七是時用度轉廣賦予無節府藏之積不足以供乃減百官之祿徹軍人常廩併省州郡縣鎮戍之職又制刺史守宰行兼者並不給幹南齊以有僮幹若今驅使門僕之類以節國用之費焉河清三年定令乃率以十八受田輸租調二十充兵六十免力役六十六退田免租調率人一牀調絹一疋綿八兩凡十斤綿中折一斤作絲墾租二石義租五斗奴婢各准良人之半牛調二丈墾租一斗義租五升墾租送臺義租納郡以備水旱墾租皆依貧富為三梟其賦稅常調則少者直出上戶中者及中戶多者及下戶戶上梟輸遠處中梟輸次遠下梟輸當州倉三年一校租入臺者五百里內輸粟五百里外輸米入州鎮者輸粟人欲輸錢者准上絹收錢是時頻歲大水州郡夕

遇沉溺穀價騰踊朝廷遣使開倉以糶之而百姓無益飢饉尤甚矣後
 主天統中勞役鉅萬財用不給乃減朝士祿料諸曹糧膳及九州軍人
 常賜以供之武平之後權幸並進賜予無限乃料境內六等富人調令
 出錢後周文帝霸府初開制司賦掌賦均之政令凡人自十八至六十
 四與輕疾者皆賦之其賦之法有室者歲不過絹一疋綿八兩粟五斛
 丁者半之其非桑土有室者布一疋麻十斤丁者又半之豐年則全賦
 中年半之其非桑土有室者布一疋麻十斤丁者又半之豐年則全賦
 之政令凡人自十八至五十九皆任於役豐年不過三旬中年則二旬下
 年則一旬起徒役無過家一人有年八十者一子不從役百年者家不從
 役廢疾非人不養者一人不從役若凶扎又無力征武帝保定元年改八
 丁兵為十二丁兵率歲一月役建德二年改軍士為侍官募百姓充之
 除其縣籍是後夏人半為兵矣宣帝時發山東諸州兵增一月功為
 四十五日役以起洛陽宮并移相州六府於洛陽稱東京六府隋文帝
 霸府初開尉遲迥王謙司馬消難相次阻兵興師誅討賞費鉅萬及
 受禪又遷都發山東丁毀造宮室仍依周制役丁為十二番匠則六番
 丁男一牀祖粟三石桑土調以絹純麻土調以布絹純以疋加綿三兩布
 以端加麻三斤單于及僕隸各半之有品爵及孝子順孫義夫節婦並
 免課役開皇三年減十二番每歲為三十日役減調絹一疋為二丈初蘇
 威父綽在西魏世以國用不足為征稅之法頗稱為重既而歎曰今所為
 者正如張弓非平代也後之君子誰能弛乎威聞其言每以為己任至
 是威為納言奏減賦役務從輕典帝悉從之時百姓承平漸久雖遭
 水旱而戶口歲增諸州調物每歲河南自潼關河北自蒲坂至于京
 師相屬於路晝夜不絕者數月帝又躬行節儉九年親御朱雀門勞
 凱旋師因行慶賞頒給所費三百餘萬段帝以江表初定給復十年
 自餘諸州並免當年租賦十年五月又以宇內無事益寬徭賦百姓年
 五十者輸庸停防十一年江南反越國公楊素討平之師還賜物甚廣
 其餘出師命賞亦莫不優崇十二年有司上言庫藏皆滿帝曰朕既薄
 賦於人又大經賜用何得爾也對曰用處常出納處常入略計每年賜
 用至數百萬段曾無減損乃更開左藏之院構屋以受之詔曰既富而
 教方知廉恥寧積於人無藏府庫河北河東今年田租三分減一兵減半

類

功調全免十四年關中大旱人饑帝幸洛陽因令百姓就食從官並准見口賑給不以官位為限十八年五月高穎奏諸州無課調處及課州管戶數少者官人祿力承前以來恒出隨近之州今請於所管內計戶徵稅帝從之先是京官及諸州並給公廩錢迴易生利以給公用六月工部尚書蘇孝慈等以為所在官司因循往昔日以公廩錢物出舉與生唯利是求煩擾百姓奏皆給地以營農迴易取利皆禁止十一月詔外內諸司公廩在市迴易及諸處興生並聽之唯禁出舉收利煬帝即位戶口益多府庫盈溢乃除婦人及奴婢部曲之課其後將事遼碣增置軍府掃地為兵租賦之人益減矣又頻出朔方西征吐谷渾三度討高麗飛芻輓粟出陸艱弊又東西巡幸無時休息六官及禁衛行從常十萬人皆仰給州縣天下怨叛以至於亡

通典卷第五

通典卷第五
 高穎
 蘇孝慈
 煬帝
 高麗



